




**MEKTER  
NIVO III**



بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI  
ISLAMSKA ZAJEDNICA BOŠNJAKA U ŠVEDSKOJ

## Sadržaj

Blagdani muslimana	1
Ezan i Ikamet	2
Sabah namaz	3
Šta kvari abdest	4
Adem, A.S.	5
Nuh, A.S.	6
Podne namaz	7
Ikindija namaz	8
Ramazanski post	9
Zekat-Sadaka	10
Sura El-Kafirun	11
Jacija namaz	12
Vitr namaz	13
Božije knjige -Ve kutubihi	14
Hadž	15
Pitanja	16

Izdavač:

Islamska zajednica Bošnjaka u Švedskoj  
Adresa: Åkerssjövägen 10, 461 53 Trollhättan  
Tfn: 0520 49 90 64 Mobil: 076 310 24 47

E mail: kontakt@izb.se

www.izb.se

# BLAGDANI MUSLIMANA

Muslimani imaju dva blagdana:

- Ramazanski bajram i
- Kurban bajram

Ramazanski bajram je blagdan koji muslimani svečano obilježavaju po isteku ramazana u znak veselja što su izvršili dužnost ramazanskog posta, klanjali teravih-namaze, posjećivali džamiju i slušali predavanja, pa se nadaju u Allahovu milost i nagradu.

Kurban-bajram je blagdan koji muslimani obilježavaju 10., 11., 12., i 13. dana mjeseca zul-hidždžeta.

Osim bajram-namaza, u toku Kurban-bajrama muslimani kolju kurbane.

Kurban je islamski obred koji se sastoji od klanja u ime Boga propisane životinje.

Kad je u pitanju podjela kurbanskog mesa, najbolji postupak je onaj koji je preporučio sam Muhamed a.s.: meso se razdijeli na tri jednaka dijela tako da se 1/3 podijeli siromasima, 1/3 rodbini, komšijama i prijateljima, a preostala trećina zadrži za sebe i svoju porodicu.

Islamska zajednica Bošnjaka u Švedskoj već dugi niz godina učestvuje u akciji klanja kurbana koju vodi Rijaset Islamske zajednice u BiH.

Lijepo je u danima Bajrama:

- prije odlaska na Bajram namaz okupati se.
- jesti prije Ramazanskog bajram namaza, a na Kurban bajram jesti tek poslije namaza.
- učiti tekbire na putu do džamije i u njoj.
- oblačenje najljepše odjeće, mirisanje i ukrašavanje.
- odlazak u džamiju jednim putem a povratak drugim.
- posjetiti rodbinu i prijatelje (zijaret).

Muslimani naših krajeva uobičajili su prigodno obilježiti sljedeće dane:

- Nova muslimanska hidžretska godina koja se računa od dana selidbe Muhammeda, a. s., i prvih muslimana iz Meke u Medinu.

Mubarek-noći: Lejlei-regaib, Lejlei-miradž, Lejlei-berat i Lejlei-kadr.

## EZAN

ALLAHU EKBER! 4 x (Allah je najveći)

EŠHEDU EN LA ILAHE ILLALLAH! 2x  
(Svjedočim da nema boga osim Allaha)

EŠHEDU ENNE MUHAMMEDER-RESULULLAH! 2x  
(Svjedočim da je Muhammed, a.s., Božiji poslanik)

HAJJE `ALESS-SALAH! 2x (Dođite na namaz)

HAJJE `ALEL-FELAH! 2x (Dođite na spas)

ALLAHU EKBER! 2x (Allah je najveći)

LA ILAHE ILLALLAH! 1x (Nema boga osim Allaha)

## IKAMET

Allahu ekber! 4x (Allah je najveći)

Ešhedu en la ilahe illallah 2x  
(Svjedočim da nema drugog boga osim Allaha)

Ešhedu enne Muhammeder-resulullah 2x  
(Svjedočim da je Muhammed, a.s., Božiji poslanik)

Hajje 'ales-salah 2x (Dođite na namaz)

Hajje 'alel-felah 2x (Dođite na spas)

Kad kametis-salah 2x (Namaz se uspostavlja)

Allahu ekber 2x (Allah je najveći)

La ilahe illallah 1x (Nema boga osim Allaha)



# SABAH NAMAZ

Sabah namaz se klanja od zore do pred izlazak sunca.

Ima 4 rekata i to:

2 sunneta, i 2 farza

Sunnet se zaniijeti na arapskom jeziku ovako:

NEVEJTU EN USALLIJE LILLAHI TE`ALA SALATE  
SUNNETI-L-FEDŽRI EDAEN MUSTAKBILEL KIBLETI  
ALLAHU EKBER

Farz se zaniijeti:

NEVEJTU EN USALLIJE LILLAHI TEALA  
SALATE FARDI-L-FEDŽRI EDAEN MUSTAKBILEL KIBLETI  
ALLAHU EKBER

	SUNNET	FARZ
1. rekat	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura
2. rekat	Bismillah El-Fatiha Jedna sura	Bismillah El-Fatiha Jedna sura
Sjedi se i uči	Ettehijjatu salavati i dova	Ettehijjatu salavati i dova



Na *rukū'* u učimo 3 puta:  
**Subhāne Rabbije-l-azim!**



Potom se sa *rukū'* a vraćamo na kratko stajanje i izgovaramo:  
**Semī`allāhu li-men hamideh!**  
Na kratkom stajanju izgovaramo: **Rabbenā leke-l-hamd!**



Potom izgovarajući **Allāhu ekber**, spuštamo se na prvu sedždu, gdje izgovaramo tri puta: **Subhāne Rabbije-l-e`alā!**

Dižemo se u sjedeći položaj izgovarajući: **Allahu ekber**, a onda opet na sedždu gdje izgovaramo tri puta: **Subhāne Rabbije-l-e`alā!** Ustajemo na drugi rekat.

# ŠTA KVARI ABDEST?

Abdest je vjersko pranje određenih dijelova tijela radi namaza, prihvatanja Kur'ana i u drugim prilikama. Pohvalno je uvijek biti pod abdestom.

## *Abdest kvari:*

1. Obavljena velika ili mala nužda.
2. Puštanje vjetra.
3. Isticanje iz tijela: krvi, gnoja, sukrvice, na bilo koji način i u bilo kojoj količini.
4. Povraćanje, iz bilo kojih razloga.
5. San, bez obzira koliko trajao.
6. Gubljenje svijesti, ma koliko trajalo i bez obzira na razlog.
7. Zasmijavanje u namazu, kvari i abdest i namaz.
8. Neprirodan razgovor ili izgovor neprirodnih riječi, u bilo kojem obliku i iz bilo kojih razloga.

# ADEM, A.S.

Kad nije postojalo ništa, bio je Allah.  
Allah je odlučio da stvori svemir koji i mi danas poznajemo.

Allah je stvorio zvijezde, sunce, mjesec, zemlju i sve planete.

Na zemlji je stvorio sve okeane, šume, planine, rijeke, drveće i cvijeće.

Onda je stvorio čovjeka i nazvao ga **Adem**. Stvorio ga od gline, blata, prašine, dakle od zemlje. Prvi čovjek nema ni oca ni majke, već ga direktno Allah stvara po principu budi i on biva. Kasnije, nakon prvog bračnog para Adema i Havve, od njih se razvija čovječanstvo, jer su ljudi i žene bića iste vrste, stvoreni u parovima muško-žensko, pa se oplođavaju, rađaju i umnožavaju.

Adem, a.s., je bio posebno Allahovo stvorenje. Allah mu je dao pamet kojom je mogao misliti i birati. Dao mu je i srce kako bi mogao osjećati i voljeti.

Allah je "udahnuo dušu u njega" i dao mu jedno specijalno mjesto gdje će živjeti i to mjesto se zvalo **Džennet**.

Džennet znači "bašta".

Adem a.s. je u Džennetu imao sve što mu je trebalo i tamo je sretno živio. Poseban dar koji je Allah dao Ademu, a.s., bilo je znanje. Allah je Adema, a.s., podučio imenima "svih stvari".

Poslije počinjenog grijeha na koji ih navede šejtan prokleti, Adem, a.s., i hazreti Havva su protjerani iz Dženneta na zemlju, ali su se odmah pokajali Allahu.

# NUH, A.S

Nuh, a. s., je bio jedan od odabranih (ulu-l-azm) poslanika. Živio je 950 godina i skoro cijeli svoj život je proveo pozivajući svoj narod da se vrati vjerovanju u jednog Boga, Allaha, dž.š., Nuh, a.s., se u Kur'anu spominje na mnogo mjesta, čak je i jedna cijela sura nazvana po njemu. Bio je skroman i dobar čovjek, zahvalan Allahu, dž.š., Ljudi su dolazili do njega kako bi ga pitali za savjet.

Nuhov, a.s., narod je bio jedan od najgorih i najpokvarenijih naroda koji je ikada postojao na zemlji. Bili su poznati po bogatstvu koje su imali. Allah, dž.š., im je dao bogastvo, zemlju, lijepe kuće, ali umjesto da zahvaljuju Allahu, dž.š., zahvaljivali su kipovima koje su sami sebi pravili i koje su oni ukrašavali.

Takvom narodu Allah, dž.š., je poslao Nuha, a.s.,

Dok je Nuh a.s. pozivao u vjeru, Allah, dž.š., je obznanio Nuhu, a.s, da mu se više niko neće pridružiti, te da je vrijeme da počne sa gradnjom lađe. Dok su vjernici radili na lađi, nevjernici su ih vrijeđali i ismijavali. Mislili su da su poludili jer prave lađu u pustinji. Dok su nevjernici ismijavali i vrijeđali vjernike, strpljivi Nuh im je odgovarao: "Iako se vi nama smijete i mi se smijemo vama na isti način. Uskoro ćete saznati koga će stići Allahova kazna."

Kada je lađa bila završena, Nuhu, s.s, je naredeno da se ukrca u lađu i uzme od svih bića po jedan par - muško i žensko, svoju porodicu i sve vjernike. Kiša je počela da pada. Nevjernici nisu ni slutili da im je to kazna. Bilo im je drago jer je prije toga bila velika suša. Dok su se vjernici ukrcavali na lađu Nuh, a.s, je zvao i svoga sina da pođe sa ostalim vjernicima. Ovaj je to odbio, vjerujući da će se spasiti potopa tako što će se popeti na najveće brdo. Nuhu, a.s., je bilo žao njegovog sina, ali mu onda Allah, dž.š., odgovara: "O Nuhu, a.s., on nije čeljade tvoje, rekao je On. Jer radi ono što ne valja, zato Me ne moli za ono što ne znaš.! Savjetujem ti da neznalica ne budeš."

Nakon duge plovidbe, Allah, dž.š., je naredio zemlji da upije vodu, a nebu da zaustavi kišu. Lađa se zaustavila na brdu zvanom El-Džudijj. Sve se polahko vraćalo u normalno stanje, muslimani su sada mogli mirno da žive, dok su se životinje ponovo raširile po zemlji.



# PODNE NAMAZ

PODNE NAMAZ se klanja kad sunce krene sa polovine neba naginjati prema zapadu i traje sve do ikindije namaza.

Podne namaz ima 10 rekata i to:  
4 sunneta, 4 farza i 2 sun-sunneta

Zanijjeti se ovako:

(4 rekata sunneta) NEVEJTU EN USALLIJE LILLAHI TEALA  
SALATE SUNNETIZ-ZUHRI EDAEN MUSTAKBILEL KIBLETI  
ALLAHU EKBER

(4 rekata farza) NEVEJTU EN USALLIJE LILLAHI TEALA  
SALATE FARDIZ-ZUHRI EDAEN MUSTAKBILEL KIBLETI  
ALLAHU EKBER

(2 rekata sun-sunneta) NEVEJTU EN USALLIJE LILLAHI TEALA  
SALATE SUN SUNNETIZ-ZUHRI EDAEN MUSTAKBILEL KIBLETI  
ALLAHU EKBER

	SUNET	FARZ	SUN-SUNET
1. rekat	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura
2. rekat	Bismillah El-Fatiha Jedna sura	Bismillah El-Fatiha Jedna sura	Bismillah El-Fatiha Jedna sura
Sjede se i uči	Ettehijjatu	Ettehijjatu	Ettehijjatu salavati i dova
3. rekat	Bismillah El-Fatiha Jedna sura	Bismillah El-Fatiha	
4. rekat	Bismillah El-Fatiha Jedna sura	Bismillah El-Fatiha	
Sjede se i uči	Ettehijjatu salavati i dova	Ettehijjatu salavati i dova	

# IKINDIJA NAMAZ

IKINDIJA namaz ima 8 rekata i to:

4 sunneta i 4 farza

(4 rekata sunneta se zaniijeti ovako)

NEVEJTU EN USALLIJE LILLAHI TEALA SALATE  
SUNNETIL ASRI EDAEN MUSTAKBILEL KIBLETI  
ALLAHU EKBER

(4 rekata farza se zaniijeti ovako)

NEVEJTU EN USALLIJE LILLAHI TEALA SALATE  
FARDIL ASRI EDAEN MUSTAKBILEL KIBLETI  
ALLAHU EKBER

	SUNNET	FARZ
1. rekat	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura
2. rekat	Bismillah El-Fatiha Jedna sura	Bismillah El-Fatiha Jedna sura
Sjede se i uči	Ettehijjatu salavati i dova	Ettehijjatu
3. rekat	Subhaneke Euzubillah Bismillah El-Fatiha Jedna sura	Bismillah El-Fatiha
4. rekat	Bismillah El-Fatiha Jedna sura	Bismillah El-Fatiha
Sjede se i uči	Ettehijjatu salavati i dova	Ettehijjatu salavati i dova

# RAMAZANSKI POST

Ramazan je deveti mjesec u islamskom kalendaru i treći je od pet stubova islama. To je za muslimane sveti mjesec jer je u njemu počela objava Kur'ana.

Za vrijeme ramazana vjernicima je od zore do zalaska sunca zabranjeno uzimanje bilo kakve hrane, pića, te seksualni odnosi i pušenje duhana.

Ako se nešto u zaboravu pojede ili popije, to ne kvari post, uz uvjet da vjernik s time prestane čim se prisjeti da posti.

Allahov poslanik, s.a.v.s, je rekao:

„Onaj ko isposti mjesec ramazan vjerujući i očekujući Allahovu, dž.š., nagradu bit će mu oprošteni prošli grijesi".  
(Buhari, Muslim i Ebu Davud).

Post se prekida u trenutku zalaska sunca. Taj obrok zove se **iftar**. Dobro je djelo organizirati iftar za prijatelje, rodbinu i sl. Jedna od deset posljednjih noći ramazana (nije tačno naznačeno koja, ali muslimanski učenjaci pretpostavljaju da je 27.) naziva se **Lejletu-l Kadr**. To je noć kada je Muhamed, a.s., primio prve ajete Kur'ana.

Muslimani se trude u toku ramazana mnogo učiti i studirati Kur'an, po uzoru na Muhameda, a.s.,

Kur`an, spominjući post mjeseca ramazana kaže:

**"O vjernici, propisuje vam se post, kao što je bio propisan generacijama prije vas – ne bi li ste bogobožni bili!"**  
(El-Bakara, 183)

# ZEKAT - SADAKA

Riječ zekat je arapska riječ koja označava čišćenje. Zekat je jedan od pet stubova islama, odnosno četvrti islamski šart.

## KO DAJE ZEKAT?

Zekat su dužni dati oni muslimani i muslimanke koji posjeduju imovine u vrijednosti nisaba.

## ŠTA JE NISAB?

Nisab je dostignuta količina imetka na koju je obaveza podijeliti zekat, t.j. očistiti imetak. U nisab se ne ubraja imovina koja služi za osnovne potrebe obvezniku, kao na primjer kuća za stanovanje sa potrebnim namještajem, tegleća stoka, zemlja, razne alatke za obradu zemlje, zatim alat za obavljane zanatskih usluga, stručne knjige i slično.

## KOME SE DAJE ZEKAT?

Na osnovu Kur`ana, zekat pripada samo siromašnima i nevoljnicima, i onima koji ga skupljaju, i onima čija srca treba pridobiti, i za otkup iz ropstva i putniku. Onima koji daju zekat Allah, dž.š., je obećao nagradu.

## KOME SE NE DAJE ZEKAT?

Zekat se ne može davati bračnom drugu, nemuslimanu niti rodbini u uzlaznoj i silaznoj liniji, jer su jedni druge dužni uzdržavati.

Muhamed, a.s., je rekao:

"Ko klanja namaz, a ne dijeli zekat on nema ni namaza".

## KAD SE DAJE ZEKAT?

Može u toku cijele godine, ali se obično daje uz ramazan, jer su tada ljudska srca najmekša i najdarežljivija. Daje se 2,5% u novcu ili robi. Zekat je najpreče davati za potrebe islamske zajednice, jer se u te svrhe davao za vrijeme Muhammeda, a.s., Islamska zajednica u BiH svake godine pred ramazan određuje visinu nisaba u novcu.

SADEKATU-L-FITR ili VITRE kako kaže naš narod.

Allahov poslanik, s.a.v.s., je naredio sadekatu-l-fitr da očisti postača od ružna i nepristojna govora u toku posta, ali i kao zahvalnost na blagodatima koje je Allah, dželle ša'nuhu, dao postačima u mubarek mjesecu ramazanu. Obaveza davanja sadekatu-l-fitra spada na sve osobe koje imaju dovoljno imetka u ramazanu i koje mu pretiču preko njegovih vlastitih potreba. Svi koji u duhu Kur'ana imaju pravo primiti zekat mogu primiti i vitre.

# SURA EL-KAFIRUN

بِسْمِ اللَّهِ الرَّحْمَنِ الرَّحِيمِ  
قُلْ يَا أَيُّهَا الْكَافِرُونَ ۝ لَا أَعْبُدُ مَا تَعْبُدُونَ ۝ وَلَا أَنْتُمْ عَابِدُونَ مَا أَعْبُدُ ۝  
وَلَا أَنَا عَابِدٌ مَّا عَبَدْتُمْ ۝ وَلَا أَنْتُمْ عَابِدُونَ مَا أَعْبُدُ ۝ لَكُمْ دِينُكُمْ وَلِيَ دِينِ ۝

BISMILLAHI-R-RAHMANI-R-RAHIM

KUL JA EJJUHEL KAFIRUN  
LA E` ABUDU MA T` ABUDUN  
VE LA ENTUM ABIDUNE MA E` ABUD  
VE LA ENE ABIDUN MA ABEDTUM  
VE LA ENTUM ABIDUNE MA E` ABUD  
LEKUM DINUKUM VE LIJE DIN

Prevod:

U ime Allaha, Milostivog, Samilosnog!

Reci:

"O vi nevjernici,  
ja se neću klanjati onima kojima se vi klanjate,  
a ni vi se nećete klanjati Onome kome se ja klanjam;  
ja se nisam klanjao onima kojima ste se vi klanjali,  
a i vi se niste klanjali Onome kome se ja klanjam,  
vama - vaša vjera, a meni - moja!"



# JACIJA NAMAZ

JACIJA NAMAZ se klanja kad potpuno nestane sunčeve svjetlosti na zapadu. Ima 10 rekata i to:

**4 sunneta, 4 farza i 2 sun-sunneta.**

Kod nas je običaj da se poslje jacije odma klanja i vitr namaz.

To je, inače, poseban namaz koji je vadžib klanjati i najbolje vrijeme je u ponoć.

**Sunnet se zaniijeti ovako:**

**NEVEJTU EN USALLIJE LILLAHI TEALA SALATE SUNNETIL  
IŠAI EDAEN MUSTAKBILEL KIBLETI ALLAHU EKBER**

**Farz se zaniijeti ovako:**

**NEVEJTU EN USALLIJE LILLAHI TEALA SALATE FARDIL  
IŠAI EDAEN MUSTAKBILEL KIBLETI ALLAHU EKBER**

**Sun-sunnet se zaniijeti ovako:**

**NEVEJTU EN USALLIJE LILLAHI TEALA SALATE  
SUN SUNNETIL-IŠAI EDAEN MUSTAKBILEL KIBLETI  
ALLAHU EKBER**

	SUNNET	FARZ	SUN-SUNNET
1. rekat	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura
2. rekat	Bismillah El-Fatiha Jedna sura	Bismillah El-Fatiha Jedna sura	Bismillah El-Fatiha Jedna sura
Sjede se i uči	Ettehijjatu salavati i dova	Ettehijjatu	Ettehijjatu salavati i dova
3. rekat	Subhaneke Euzubillah Bismillah El-Fatiha Jedna sura	Bismillah El-Fatiha	
4. rekat	Bismillah El-Fatiha Jedna sura	Bismillah El-Fatiha	
Sjede se i uči	Ettehijjatu salavati i dova	Ettehijjatu salavati i dova	

# VITR-NAMAZ

## VITR-NAMAZ

Kad se klanja VITR-NAMAZ?

Vitr-namaz se obično klanja odmah poslije jacijskog sun-sunneta, iako ga je, po mogućnosti, bolje klanjati kasnije.



Koliko rekata ima VITR-NAMAZ?

Vitr-namaz ima tri rekata, a zaniijeti se riječima:

„NEVEJTU EN USALLIJE LILLAHI TE'ALA SALATE-L-VITRI  
EDA'EN MUSTAKBILE-L-KIBLETI – ALLAHU EKBER.“

Na prva dva rekata vitr-namaza učimo isto kao i na svim drugim namazima na prva dva rekata.

Na prvom sjedenju učimo et-tehijjatu do salavata, a onda ustanemo na treći rekat na kojem učimo: bismilu, Fatihu i jednu suru.

Zatim podignemo ruke, kao na početku namaza i izgovorimo tekbir – ALLAHU EKBER, te proučimo Kunut-dovu.

Ko ne zna Kunut-dovu, može učiti i Rabbena atina fi-d-dunja haseneten...

Poslije Kunut-dove, učinimo ruku' i sedžde i na sjedenju proučimo: et-tehijjatu, salavate i dovu i predamo selam.

# BOŽIJE KNJIGE VE KUTUBIHI

Islamsko vjerovanje sastoji se od šest temeljnih istina vjere, a zovemo ih **Imanski šarti**.

Treća temeljna istina vjere je **VE KUTUBIHI**, što znači:  
»Ja vjerujem u Božije knjige, kitabe.«

Božije knjige (kitabi) su Božije objave koje su ljudima prenosili Božiji poslanici. U Božijim kitabima sadržane su upute, savjeti i propisi o životu ljudi i obavljanju vjerskih dužnosti koje je Allah, dž.š., slao narodima da ih opomene i odvрати od loših djela i nasilja koja su uništila mnoge civilizacije.

Posljednja Božija knjiga (kitab) je uzvišeni **Kur'an** koji je dostavljen Muhammedu, a.s., da bude putokaz ljudima kako bi bili sretni na ovom i budućem svijetu.

Najpoznatija su nam četiri velika kitaba, knjige:

Tevrat, objavljen Musau, a.s.

Zebur, objavljen Davudu, a.s.

Indžil, objavljen Isau, a.s.

Kur'an, objavljen Muhammedu, a.s.

Govoreći o poslanicima i knjigama Allah, dž.š., kaže:

"I prije tebe smo poslanike slali i žene i porod im davali. I nijedan poslanik nije donio nijedno čudo sobom, već Allahovom voljom. Svako doba imalo je Knjigu. Allah je dokidao što je htio, a ostavljao što je htio; u Njega je Glavna knjiga."

(Er-Rad, 38. i 39.)

Allah, dž.š., još kaže:

"Prije tebe nijednog poslanika nismo poslali, a da mu nismo objavili: Nema boga osim Mene, zato se Meni klanjajte!"

(El-Enbija, 25.)

Kuran je pečat i kraj svih objava, kao što je poslanstvo Muhammeda, a.s., pečat svih poslanstava.



# HADŽ

Obaviti hadž je jedan od pet temelja islama. Riječ hadž znači cilj, svrha, namjera. To je namjera i putovanje u Saudijsku Arabiju, grad Mekku, s ciljem obavljanja određenih obreda, u određeno vrijeme i pod određenim uslovima.

U 97. ajetu sure Ali 'Imran Uzvišeni Allah kaže:

"Hodočastiti Kabu dužan je, Allaha radi, svaki onaj koji je u mogućnosti; a onaj koji neće da vjeruje – pa, zaista, Allah nije ovisan ni o kome."

Mnogi hadisi bilježe da je Muhammed, a.s., podsticao vjernike da obavljaju hadž. Npr.

*"Islam se temelji na pet stvari: svjedočenju da nema Boga osim Allaha i da je Muhammed Allahov poslanik, obavljanju namaza, davanju zekata, postu mjeseca ramazana i obavljanju hadža".*

Na oprosnom hadžu Poslanik, sallallahu alejhi ve sellem, je rekao: "O ljudi, Allah vam je propisao obavljanje hadža pa ga obavljajte".

U obavljanju hadža muslimani imaju mnoge koristi, za ovaj i za onaj svijet. Na jednom mjestu se obavlja više ibadeta, kao što su:

1. Obilazak oko Kabe (tavaf)
2. Hodanje između Safe i Merve (s'aj)
3. Boravak na Arefatu, Mini i Muzdelifi
4. Bacanje kamenčića na džemretima  
(bacanje određenog broja kamenčića na šejtane)
5. Noćivanje na Mini
6. Klanje kurbana
7. Brijanje glave ili skraćivanje kose
8. Često spominjanje Allaha, dž.š., i priželjkivanja Allahovog, dž.š., oprosta.

Nagrada za ispravno obavljen hadž je praštanje svih grijeha i dženet.

# PITANJA

1. Koliko muslimani imaju bajrama i koji su to?
2. Kada se obilježavaju muslimanski blagdani?
3. Kako se dijeli kurbansko meso?
4. Na koji način možemo izvršiti obavezu kurbana, ako nismo u mogućnosti zaklati kurban?
5. Šta je lijepo u danima Bajrama?
6. Nauči koje su mubarek noći!
7. Nauči ezan i ikamet!
8. Koliko sabah-namaz ima rekata i kada se klanja?
9. Kako se zanijeti sunnet, a kako farz sabah-namaza?
10. Šta se uči na prvom rekatu kod farza i sunneta sabaha?
11. Šta se uči na drugom rekatu kod farza i sunneta sabaha?
12. Šta učimo na ruku'?
13. Šta učimo kad se vratimo sa ruku'a?
14. Šta učimo na sedždi i koliko puta činimo sedždu na svakom rekatu?
15. Šta je abdest?
16. Šta kviri abdest?
17. Ko je stvorio čovjeka i sve oko nas?
18. Kako se zvao prvi čovjek na zemlji i od čega je stvoren?
19. Kako se zvala prva žena na zemlji i od čega je stvorena?
20. Šta znači Džennet?
21. Zbog čega su prvi čovjek i žena protjerani iz Dženneta na zemlju?
22. Ko je bio Nuh, a.s., i koliko je živio godina?
23. Po čemu je poznat narod Nuha, a.s., a po čemu Nuh, a.s.?
24. Kako sve zvalo brdo gdje se lađa zaustavila?
25. Kada se klanja podne-namaz?
26. Koliko podne-namaz ima rekata?
27. Kako se zanijeti sunnet, kako farz, a kako sun-sunnet na podne?
28. Šta se uči na svakom prvom rekatu, a šta na svakom drugom?
29. Šta se uči na trećem i četvrtom rekatu kod sunneta na podne?
30. Šta se uči na trećem i četvrtom rekatu kod farza na podne?
31. Kada se uči samo ettehijjatu, a kada i salavati i dova?
32. Koliko ikindija-namaz ima rekata?
33. Kako se zanijeti sunnet, a kako farz?
34. Šta se uči na trećem i četvrtom rekatu kod sunneta ikindije?
35. Šta se uči na svakom trećem i četvrtom rekatu kad klanjamo farze?
36. Kada se uči samo ettehijjatu, a kada i salavati i dova kada klanjamo ikindiju?
37. Šta je ramazan?
38. Šta muslimani i muslimanke rade za vrijeme ramazana?
39. Šta je Poslanik,a.s, rekao za one koji poste?
40. Nauči prevod ajeta na bosanski u kojem je naređen post!
41. Šta znači riječ zekat i šta je to?
42. Ko daje zekat?
43. Kome se daje zekat?
44. Kome se ne daje zekat?
45. Kad se daje zekat?
46. Šta je sadekatu-l-fitr?
47. Nauči suru El-Kafirun!
48. Koliko jacija-namaz ima rekata?
49. Kako se zanijeti sunnet, farz, sun-sunnet i vitr?
50. Šta se uči na trećem i četvrtom rekatu kod sunneta jacije?
51. Šta se uči na prvom, a šta na drugom rekatu sun-sunneta?
52. Koliko vitr-namaz ima rekata?
53. Šta se uči na trećem rekatu kod vitr namaza?
54. Kada se uči samo ettehijjatu, a kada i salavati i dova kada klanjamo jaciju? Naučiti posebno za sunnete, farz, sun-sunnet i vitr!
55. Koja su četiri velika kitaba (svete knjige)?
56. Šta je hadž?
57. Šta se sve obavlja na hadžu, nabrojati!
58. Koja je nagrada za ispravno obavljen hadž?



بِسْمِ اللَّهِ الرَّحْمَنِ الرَّحِيمِ  
ISLAMSKA ZAJEDNICA U BOSNI I HERCEGOVINI  
ISLAMSKA ZAJEDNICA BOŠNJAČA U ŠVEDSKOJ

# MEKTEB NIVOA III (۳)

IME I PREZIME	Džemat: _____															Punkt: _____			
1.																			
2.																			
3.																			
4.																			
5.																			
6.																			
7.																			
8.																			
9.																			
10.																			
11.																			
12.																			

Prenosi Alija ibn Ebi Talib, radijallahu anhu da je Poslanik, sallallahu alejhi ve sellem, rekao:  
„Odgajajte svoju djecu u znaku tri svojstva : da vole vašeg Poslanika (sallallahu alejhi ve sellem), da vole njegovu porodicu i da vole učiti Kur'an!“  
(Ed-Dejlemi)

